



**Geschichte der geistlichen Stiftungen, der adlichen
Familien, so wie der Städte und Burgen der Mark
Brandenburg**

[Urkunden-Sammlung für die Orts- und spezielle Landesgeschichte]

Riedel, Adolph Friedrich

Berlin, 1861

LXXXV. Wenzlaw von Bieberstein verweist die Stadt Beeskow zur Leistung
der Eventual-Huldigung an die Markgrafen von Brandenburg, am 5.
Dezember 1451.

Nutzungsbedingungen

[urn:nbn:de:hbz:466:1-55508](https://nbn-resolving.org/urn:nbn:de:hbz:466:1-55508)

vnser menlich leibis lehns erbin komen wurden vnde qwemen, So glabin wir vnde vnſir menlich leibes lehns erbin den oſtergnantin vnſern liebſin getrouwen Burgermeiſtern, Rathmann vnde Gemeine der genantin Stat Beſzkow Denn by allin iren Stat aldin gewonheiten, Gerechtigkeiten, Eygenſchefften vnde fryheiten In der Stat vnde awſzinwendig, So ſy die von ſfurſten zcu Furſten, von Hern zcu Hern brocht, behaldin vnde gehat habin, Vnde ouch von dem ergenantin Wentzlow von Bebirſtein noch habin, laſzin vnde behaldin wollin, Vnde en das in allir maſz, So ſy denne die von ſfurſtin zu ſfurſten, von Hern zu Hern In brieffliche beſtetunge her brocht vnde gehat habin, Ouch des vnſir brieffliche beſtetung Vnde folge mit vnſern angehangin Ingeſigel Beſtetigen, vorſolgen vnde gebin wollin. Dez zu orkunde vnde mer geczewgniz Habin wir vnſir Ingeſigel vnden an deſſin vnſern brieff hengen laſzin, Der Gegeben iſt zu Beſzkow, nach Gotis Geborth virczenhundert Jar, In deme ein vnde ſumffzigſtim Jare, An der mittewoche nach Sanct Andreas tage, Des heiligen Czweiffboten.

Original-Urkunde Nr. 48. im Stadtarchive.

LXXXV. Wenzlaw von Bieberſtein verweiſt die Stadt Beeskow zur Leiſtung der Euentual-Huldigung an die Markgrafen von Brandenburg, am 5. Dezember 1451.

Ich Wenzlaw von Bebirſtein, Herre zu Sarow, Beſkow vnde Storkow, Bekenne, Das ich durch ſunder gunſt vnde liebe willin — czu Deme Irluchtin Hochgeborn Furſten vnde Heren, Ern Frederichen, marggraffen czu Brandinburg etc. — Die Erfamen meine liebſin getruwin Burgermeiſter, Rathmanne vnde Gemeine der Stat Beſzkow An Seine gnade vnde Seiner gnaden menlich leibis lehns erbin nach meinem tode, ab ich ane menlich leibis lehns erbin, Das got wende, abeinge, czu haldin mit huldunge vorweiſet — Das ſy denn nach meinem willen, vulbort vnde geheife gethan habin. Alfo Gefchege, Das ich So obin ane menlich leibis lehns erben abeinge, die obengenanten meine liebſin getruwin Burgermeiſter, Rathmanne vnde Gemeine der genanten Stat Beſzkow deme genanten meinen gnedigen heren alfo gehuldet haben, Sich denn an ſeine gnade vnde Seiner gnadin menlich leibis lehns erbin zu erbbe zu halden. Gefchege ouch, das mein gnediger herre ane menlich leibis lehns erbin, So got wende, abeinge, das ſich denn die obingenanten Burgermeiſter etc. an den Irluchten hochgebornen Furſten, Marggrafen Frederichen, Seiner gnaden bruder vnde Seine menlich leibis lehns erbin Doch alfo Gefchege, das der obgnante marggraff Frederich, mein gnediger herre, Sulche obingefchrebin der vrogenanten Burgermeiſter etc. vorwifunge vnde huldung by meinem lebin vnde er mein vorſterben von dem — konige zu Behem adder von deme, der das fuſt von rechtis wegin zu thune macht heth, In lehne nicht Irwurbin nochte brocht wurdin habin, So ſullin die ofigenanten Burgermeiſter etc. ſulcher gethanen eide vnd erbhuldunge van deme er mergenanten meinem gnedigen heren dem marggraffin vnd Seiner gnadin menlich leibis lehns erbin gancz jrlaffen, ledig vnde lofs ſein etc. — Gegeben nach Gotis geborth virczenhundert

— in deme ein vnd funffzigstin Jare, am Sontage nach Sanct Andres tage, des Heiligen
Czwelf boten.

Original-Urfunde Nr. 47. im Stadtarchiv.

LXXXVI. Wenzlaw von Bieberstein läßt vor seinem Hofgerichte seine Abgesandten, welche dem
Fürsten Georg von Anhalt die Huldigung des Landes Beeskow abgefagt, über die Ausrichtung
des Auftrages vernehmen, am 11. Dezember 1451.

Ich hans von knobelouchsdorff, Belehnter hofrichter zu Bezckow, Vnde manne
des wigbildes Bezckow, nemlich hans hake, hans von Czickow, henning Barderlewe,
Gofard van Czickow, Hannsz vnde Nigkel Beynewicz, Gebrudere, heinrich Czynnen-
berg vnde Domisz heliafz, Bekennen in dessen offin brieffe vor allin, die en sehn, horin adder
lesin, Das am Sunabende nach Sanct Lucien tage zu rechter Dingezzeit An gerichte vnd wolge-
hegete bank kommen ist Der Eddele wolgeborne her, Er wenzlow von Bebirfstein, herre
zu Sarow, Bezckow vnde Storkow vnde mit loubin gerichtis in seinen vorredin vorbrocht,
wie zur czeit geschen sy, Das her mit huldungen Die Erfamen Burgermeister, Rathmann vnde
Gemeine der Stat Bezckow, Dorczu etzliche seine manne vnde anwaldigen An den hochgeborenen
ffurstin vnde hern, Ern Gurgen, Graffhin von affchkanien, ffurste zu Anhalt, vnde an
Seine leibis lehns erbin vorweist habe gehat, Also Geschege, Das der gnante Er Wenzlow
van Bebirfstein ane leibis lehns erbin abegehn wurde, Das denn die gnantin Burgermeister,
Rathmann vnde gemeine zu Bezckow vnde ouch die obingnantin manne vnde anwaldigin An den
gnantin hern Greff Gurgen vnde an seine leibis lehns erbin zu haldin vnde zu erbhern zu habin,
Vnde wie her denn der ergnante Er wenzlow van Bebirfstein Dorjane vor sich vnde by sich
beholdin habe, Geschege wenn Das her solche varweisung vnde huldung der ergnantin Burger-
meister, Rathmanne vnd Gemeine der Stat Bezckow, Manne vnde anwaldigen Deme ermerge-
meltin hern Greff Gurgen Durch seiner not willin Brifflich, mundlich Adder durch erbar willin-
schaft vff vnd abefagin wurde, Sulde her macht habin, Vnde wenn her ym die so obin vff vnde
abefagin wurde, Denn So suldin die ostgnantin Burgermeister, Rathmann vnde Gemeine zu Bez-
kow, Manne vnde anwaldigin Der obingnantin vorweisung vnde huldung kegin dem gnantin hern
Greff Gurgen vnde seinen leibis lehns erbin Ganz ledig vnde losz sein, So sy des vnde dar-
obir brieffe, Die das also vnde mer beweiflich jnehalden vnde befagin, kegin enander gegeben
habin etc. Furder mer der gnante Er wenzlow von Bebirfstein vorbracht, wie her nu nach
ein fulchin So obin An den vilgnantin hern Greff Gurgen Solche obingnante vorwifunge vnde
huldung Der ostgnantin Burgermeister, Rathmann vnde gemeine vnde anwaldigin vff vnde abe zu
fagen, Die erbern Ludeke hoendorff vnde Albrecht von aldin Golfzin Geschicket habe
gehat, Vnde Im Sulche vorwifunge vnde huldung, So obin mundlichin vff vnd abe habe Sagin
lafzin, Dorzu vnde by selby gnantin in seinen schriften brifflichin gethan, vff vnd abe gefait habe
etc. Demnach furder geschen, Das der ervilgnante Er wenzlow van Bebirfstein Die obin